



REGIONE AUTONOMA DELLA SARDEGNA

DELIBERAZIONE N. 15/12 DE SU 11.3.2008

Ogetu: Interventos urgentes in su cumpartu de sas òperas portuales de cumpetèntzia regionale. U.P.B. S07.04.002 - Capìtulu SC07.0355 - € 240.000

S'Assessore de sos Traballos Pùblicos relatat chi su bilantzu de sa Regione pro s'annu 2008 previdit s'istantziamentu de € 2.000.000 in s'U.P.B. S07.04.002 - Capìtulu SC07.0355 - pro investimentos in cumpartu de sas òperas portuales de cumpetèntzia regionale.

Sighit s'Assessore, sutaponende a s'atenzione de sa Giunta unu primu programma de interventos urgentes in su cumpartu de sas òperas portuales chi pertocant sa seguràntzia de sas istruturas portuales de Santa Teresa de Gaddura e Carloforte.

Pro su chi atenet su portu turisticu de Santa Teresa, in cue b'at unu ponte de linna chi unit duos tretos de sa banchina de levante, chi sunt ischirriados ca unu tretu de costera chi ant lassadu innida a su momentu de fraigare sas banchinas, atuende unu sèberu de s'Amministrazione regionale chi podet fàghere friura in su bessu ambientale e estèticu, pro su chi pertocat a su primu interventu chi at disinnadu s'assètiu de su portu a dies de oe.

Nointames sas asseguratziones dadas dae s'Amministrazione comunale subra su programma de sas manutentziones chi sunt istadas fatas in su tempus, s'atzione a supriu de sos elementos meteo-marinos at cajonadu unu fràgiu istrutturale mannu de su ponte chi comente est como non podet garantire prus un'impreu seguru dae parte de sa colletividade, pro custu paret pretzisu fàghere sos traballos chi serbint a torrare a nou sa seguràntzia in su rispetu de sas caratèsticas geomètricas de su ponte a die de oe.

Sighit s'Assessore relatende chi in su portu de Carloforte est costada un'allancadura istrutturale de sa banchina de sa dartzana in ue sunt sos navios de pisca pro more de sa cale sa Capitaneria de portu at emitidu un'ordinàntzia cun sa cale est istadu proibidu s'atracu a totu sa banchina

DELÌBERAT

- de aprovare su programma chi sighit de interventos de finantziare subra sos fundos de sos cales a su C.d.R. 00080102 - U.P.B. S07.04.002 - Capìtulu SC07.0355 - de su Bilantzu Regionale chi pertocat a gastos pro investimentos in su cumpartu portuale de cumpetèntzia regionale pro unu totale de 240.000 èuro:

- Santa Teresa de Gaddura - Annoamentu de su ponte de linna in su portu turìsticu, èuro180.000;

- Carloforte - Interventos urgentes pro pònneru in seguràntzia sa banchina carburantes de sa dàrtzana de sos navios de pisca èuro 600.

Su Direttore Generale
Fulvio Dettori

Su Presidente
Renato Soru